

Na Kolegio Ehekutivo di Entidat Públiko Bonaire
Kaya Grandi 30
Kralendijk, Bonaire C.N.

Frakshon M21
Konseho Insular Bonaire

Pasanggrahan
Parke Wilhelmina 2
Kralendijk
Bonaire, C.N.

Persona di kontakto:

Désirée Coffie
Miembro di Konseho Insular

T: 715 5330 tst. 1414
frakshonM21@konsehoinsular.org

Apresiabel Kolegio,

E eskudo di Bonaire a keda stipulá ofisialmente pa medio di un Dekreto fechá 29 di yùni 1986, nr. 9 (A.B. 1988, nr. 13) i desde 2010 stipulá pa un Dekreto Real.

E eskudo ta e emblema ku Entidat Públiko ta usa den su komunikashonnan ofisial. Na mi humilde opinion e no ta símbolo di identidat di Bonaire, manera ta e kaso ku e himno (alma di komunidad boneriano) i e bandera (símbolo di union).

Fecha:

9 di augustùs 2026

Tópiko:

Uso di eskudo di Bonaire riba Dia di Bonaire

Den un karta di invitashon dirigí na Konseho Insular pa selebrashon/konmemorashon di Dia di Bonaire dia 6 di sèptèmèr 2026, mi a tuma nota ku a usa e emblema aki den un forma kambiá for di esun original. Na di dos lugá mi a tuma nota ku a usa komo tema e aña aki pa selebrashon/konmemorashon di Dia di Bonaire 40 aña di e emblema. E dos puntonan aki a hala mi atenshon i komo tal mi ta hasi e siguiente preguntanan:

Referensia:

FM21 - 2026013


1. E eskudo di Bonaire ta forma parti di e símbolonan ofisial korespondiente na DIA DI BONAIRE?
2. Si ta “Sí”; splikami kiko e ta representá i si ta “Nò”, pakiko ta usé komo tal; a pidi konseho kon usa e emblema aki, ta eksisti regla pa su uso meskos ku ta eksistí regla pa uso di e bandera di Bonaire? Por kompartí e konseho(nan) risibí ku Konseho Insular den maksimal 7 dia despues di risibí e karta aki?
3. Kolegio Ehekutivo por a informá Konseho Insular kua ta e reglanan di uso di e eskudo aki sigur ora ta desviá for di esun original manera stipulá den e dekretonan menshoná?
4. Kolegio Ehekutivo por a informá Konseho Insular ki relashon e eskudo tin ku selebrashon/konmemorashon di DIA Di BONAIRE?
5. Despues di e tantísimo diskushonnan aña pasá rondó di selebrashon/konmemorashon di DIA DI BONAIRE, Kolegio Ehekutivo por indiká na Konseho Insular kiko nifikashon ta i/o tin ku duna na DIA Di BONAIRE? Kua ta e protokòl ku tin ku karga e selebrashon/konmemorashon aki?
6. Kolegio Ehekutivo ta kompartí ku mi ku selebrashon/konmemorashon di DIA DI BONAIRE tin un nifikashon muchu mas profundo pa ku nos identidat komo un pueblo pa kada biaha di nobo e ta tópiko i ta suheto na kreativitat di e momento i komo tal ta kita e enfoke di su nifikashon real i profundo pa nos pueblo? Kolegio Ehekutivo por amplia riba esaki?
7. Ki akshon Kolegio Ehekutivo lo tuma, relashoná ku e forma ku e kosnan a kristalisá e aña aki rondó di DIA DI BONAIRE, pa restablesé e selebrashon/konmemorashon den su dignidat kompleto?

Komo ku ta trata di e mesun tema, esta selebrashon di DIA DI BONAIRE, mi ta hasi e siguiente preguntanan tokante e adorno na e rotòndenán relashoná ku DIA DI BONAIRE. Den medianan i di propio opservashon, mi a tuma nota di un bandera di Bonaire o alomenos un parti di e Bandera di Bonaire pegá ku un bandera di kual su kolónan ta paresido na e bandera di Alemania.

1. Kolegio Ehekutivo por a duna Konseho Insular un splikashon total di e adorno i e ròl di e bandera menshoná?
2. Kolegio Ehekutivo por a komaprtí e protokòl di e selebrashon pa dia 6 di sèptèmber 2026 ku Konseho Insular?

Konforme reglamentu di orden artikulo 45 mi ta deseá pa risibi e kontestanan por eskrito dentro di máksimal 7 dia pa asina tin tempu pa si mester korigí un ke otro esaki por tuma lugá promé ku e selebrashon/konmemorashon di DIA DI BONAIRE 2026.

Saludo kordial,



Désirée Coffie
Frakshon M21.